

世界佛教居士林重編印

傳授居家菩薩戒正範

前附五戒儀規

佛學書局發行

注意

- 一、本冊依據金陵寶華山見祖所撰傳戒正範酌訂。
- 二、本冊儀規專備傳授男女居士在家菩薩戒之用。
- 三、本冊內所用之字。共分四種。最小號字（五號）係說明理由。小號字（四號）係說明儀式中號字（三號）係和尚或諸師所說之語句。大號字（二號）係受戒者應說應答之語句。
- 四、求戒者。務須將本冊細心閱讀。明達內容。使授受之際。深獲實益。切弗事理茫然。致受戒而不得戒。
- 五、求戒者。對於應說應答之字句（即二號大字）務須讀熟。以便授受時。專心誠意。同聲說答。免得臨時慌張。或竟茫然。致失威儀。而反增罪戾。
- 六、凡受持在家菩薩戒者。實爲無上之勝緣。受者應生殷重難遇想。
- 七、受戒儀式愈繁。則獲益必愈大。凡持戒者須嚴否則受之無益。

授居家二衆五戒儀規

第一 敷座請師

求戒者齊集大殿對面立。鳴引磬。接鐘鼓。轉向上。頂禮三拜。問訊。再對面立。引禮師引爲首者迎請和尚。和尚受請出堂。禮佛陞座拈香畢。引禮呼彼上香。維那舉香讚衆同和。

三皈納體 五戒培基 浣滌遮障法憑師 心淨受堪

宜 仗佛弘慈 信香拜禱祈

南無香雲蓋菩薩摩訶薩（三稱）

引禮師云

善男子善女人等。復位居中。聞磬聲。至誠頂禮三拜。長跪 合掌。

維那師云

第一 敷座請師

夫改往從新。須皈三寶而求護。除愆植福。必稟五戒以嚴持。不遇明師。難聞淨法。今爲汝等。恭請某堂上某和尚。爲汝作三皈五戒本師。而況此師。誨人無倦。接物有方。汝端秉一心。隨我伸請。請師之語。汝合自陳。恐汝未能。我今教汝。稱自己名。

求戒者各稱自己法名○○

其餘言詞。皆隨我道。

大德。一心念我弟子某甲。今請大德爲三皈五戒本師。願大德爲我作三皈五戒本師。我依大德故。得受清淨戒。慈愍故。（三請三叩首。第三請慈字上加「大」字。）

第二 開導

和尚鳴尺云

善男子。汝等既已殷勤伸請。可爾爲汝授三皈五戒。所有言詞。聽我開導。

夫戒者。生善滅惡之基本。超凡入聖之種子。纔登戒品。便絕輪迴。受持不昧。於初心。始終無犯。慈護謹防於微念。止作雙持。三乘道果。以躋登五分法身。而克證吾佛世尊開方便門。戒例多品。初唱三皈。次伸五戒。乃依五戒。增入十具。因託十具。三聚重宣。良由修道階次。心行非一。皆由淺以至深。從微而及顯。究竟歸元。本無二三。善男子。汝今欲求稟受優婆塞。優婆夷。三皈五戒者。應先了知名德行相。體用之義。庶幾心境相應。授受如律。若不知者。雖已僥倖。但獲少益。是故我今先爲語汝。梵語優婆塞。此云近事男。梵語優婆夷。此云近事女。謂親近三寶。廣修衆善。承事供養。植種福田故。三皈者。以佛法僧三寶。具足無量眞淨功德。能息衆生無邊生死苦輪。遠離大怖畏故。其始修心。則依佛法僧受三皈。然此三皈。如君子之三畏也。五戒者。謂斷殺盜邪淫妄語飲酒。此五名曰學處。是近事者。所應學故。又名學迹。若有遊此。便昇大智慧殿故。又名徑路。一切律儀。妙行善法。皆得轉故。又名學本。諸所應學。

此爲本故。又名五大施。謂以攝取無量衆生故。成就無量功德故。以能增長種種功德故。而斯五戒。在天謂之五星。在地謂之五行。在山謂之五獄。在人謂之五臟。在國謂之五刑。在儒謂之五常。以仁者不殺害。義者不盜取。禮者不邪淫。智者不醉飲。信者不妄語。五戒若全。則不求仁而仁著。不忤義而義敷。不祈禮而禮立。不行智而智明。不慕信而信揚。所謂振綱提網。復何功以加之。若百家之鄉。十人持五戒。則十人淳謹。百人修十善。則百人和睦。傳此風教。徧於宇內。則仁人百萬。夫能行一善。則去一惡。能去一惡。則息一刑。一刑息於家。百刑息於國。其爲元首者。則不治而坐致太平矣。所以受持五戒。不但欽遵佛制。報感樂果。抑且冥助王化。益補邦家。斯乃三皈五戒之名德。行相也。體用者。體謂戒之當體。依本具理體而發。用謂行持力用。依所發戒體而行。然五戒以三皈爲體。其正秉受三皈之時。當起殷重慈護大悲心。徧緣一切情與非情境界。從心現。心外無境。此境非有表色。卽是一切塵境之

體亦卽得戒之因。若未緣想領受已前。與已無繫。發心緣想之後。恆依自心。而戒法爲能依。心是所依。心法不一不異。名曰戒體。得是體已。任運止惡。任運修善。名曰力用。汝今既詳聞了解。果能依教奉行否。

求戒者同答

依教奉行。

第三 請聖

和尚鳴尺云

善男子。適間既聞三皈五戒。名德行相。體用之義。理合從聞生解。由解受持。汝等起立。端秉虔誠。至心奉請三寶萬靈。而爲證護。稱自己名。隨我迎請。和尚起座。拈香作觀舉請。大眾起立。同音一齊唱和。其受戒者。每一請畢。作禮一拜。下准此。

香花迎。香花請。弟子某甲一心奉請。娑婆教主本師釋迦。

牟尼佛。西方接引阿彌陀佛。當來下生彌勒尊佛。盡虛空徧法界。一切諸佛。惟願不違本誓。慈光攝照。證明受戒。

三請下同

香花迎。香花請。弟子某甲一心奉請。大小二乘毗尼律藏。五篇三聚。解脫木叉。十二分經。權實教典。離欲真淨。甚深法寶。謹運一心。皈命頂禮。

香花迎。香花請。弟子某甲一心奉請。觀音勢至。文殊普賢。清淨海衆。諸大菩薩。律藏會上優波離尊者。西天東土歷代祖師。傳南山宗諸大律師。中興律祖慧雲馨公大和尚。兩都宏戒三昧光公大和尚。中興止作見月體公大和尚。

惟願不違本誓。慈光攝照。證明受戒。

香花迎。香花請。某甲一心奉請。

光明會上。寄位諸天。梵釋四王。天龍八部。伽藍土地。護戒神王。金剛力士。幽顯靈祇。惟願不違本誓。監壇護戒。

如是一二三請畢。和尚復座而坐。引禮呼彼受戒者。仍再長跪合掌而聽。

第四 懺悔

和尚鳴尺云

善男子。上來迎請三寶。證明受戒。此時三寶慈光。照其座筵。靡不徹見。猶恐汝等從無始來。罪業深重。障閉本心。污染身器。不堪容納清淨妙戒。今者應對三寶前。懇禱懺悔。洗滌愆尤。然後乃可授受。懺悔之語。汝合自陳。恐汝未能。我今教汝稱自己名。

求戒者各稱自己法名○○

隨我言詞至心懺悔。

待和尚舉二句。(唯第一遍係三句)引禮教各求戒者說二句。每二句畢。聞磬聲就跪一叩首。俟和尚唱第二句第一字時。聞磬聲就跪起身。惟並不起立。務須至誠懇切。其罪可以懺除。若不至誠。言拜無益。應須三伸懺悔。

我弟子

某甲某

從於無始

以至今生

毀破三寶

作一闍提

謗大乘經

斷學般若

弑害父母

出佛身血

污僧伽藍

破他梵行

焚毀塔寺

盜用僧物

起諸邪見

撥無因果

狎近惡友

違背良師

自作教他

見聞隨喜

如是等罪

無量無邊

故於今日

生大慚愧

克誠披露 求哀懺悔 惟願三寶 慈悲攝受
放淨光明 照觸我身 諸惡消滅 三障蠲除
復本心源 究竟清淨

以上唱和三遍

南無普賢王菩薩摩訶薩（三稱）

第五 問遮難

和尚鳴尺云

善男子。汝懺悔往業既竟。我依善生經。先問七種遮障已。方可爲汝受戒。其中有無。不可覆藏。一一實答。稱自己名。

求戒者各稱自己法名○○

第一。汝曾盜現前僧物否。

第五 問遮難

若無當答無。若有當答有。下皆准此。

第二。汝曾於六親男女中行姪否。

第三。汝曾污破僧尼梵行否。

第四。汝曾於父有病時。捨去不顧否。

第五。汝曾於母有病時。捨去不顧否。

第六。汝曾於師長有病時。捨去不顧否。

第七。汝曾殺害發菩提心衆生否。

第六 受三皈

和尚鳴尺云

適間爲汝懺悔。無始往愆。問明現生遮障。則身心無染。道器純潔。我今爲汝秉宣三皈。正是納體之時。汝當對三寶前。發廣大慈悲。無損害心。徧緣一切情與非情境。而於境上誓願斷惡修善。利濟衆生。汝果能發此上品心。令所

受者。是如來上品三皈五戒。稱自己名。

求戒者各稱自己名○○

隨我語言。至心領受。

和尚教說一遍。求戒者各自說一遍。

我某甲盡形壽皈依佛。盡形壽皈依法。盡形壽皈依僧。

如是三番皈依。一一三叩首。

和尚鳴尺云

上來三皈。正是納體於心。更加三結。得法圓滿。謂之三番羯磨。汝當至心。隨我語道。

和尚教說一遍。求戒各自說一遍。

我某甲皈依佛竟。寧捨身命。終不皈依自在天魔等。皈依

如來至眞等正覺。是我世尊慈愍故。

如是三番語畢。一二三叩首。下皆准此。

我某甲皈依法竟。寧捨身命。終不皈依外道典籍。皈依如來所說三藏十二部一切經典。是我所尊。慈愍故。

我某甲皈依僧竟。寧捨身命。終不皈依外道邪衆。皈依清淨福田僧。是我所尊。慈愍故。

第七 宣戒相

和尚鳴尺云

善男子。受三皈竟。汝已得戒體。再爲宣五戒相。以便護持。一切經教。莫不深讚戒者。良由三界衆生。往來五道。所謂天人畜生。餓鬼地獄。全五戒則人相具足。滿十善則天報恆隨。反斯二種。則三途出沒。萬苦交加。一戒二戒。尙得

人身壽夭高卑。由戒多少。汝今若能全持五戒。謂之滿分優婆塞。若持四戒。謂之多分優婆塞。若持三戒。謂之半分優婆塞。若持二戒。謂之少分優婆塞。若持一戒。謂之一分優婆塞。是故先問決定。次與受之。汝今果能受持幾分優婆塞戒。

求戒者如各受滿分應各答云

能受持滿分。

求戒者如僅受多分。半分。少分。一分者。應各照改答。

(能受持○分)

和尚云

既能受滿分戒者。稱自己名。

求戒者各稱自己法名○○

汝隨我語。一一受持。

若彼或答多分半分少分一分。應隨彼能持者而與受之。勿得強爲多受。能持一戒。功德有歸。若犯一戒。苦報難遣。世尊律制如斯。授受師當稱量。

第一 不殺生。是優婆夷戒。汝盡形壽能持否。

求戒者應答云

能持。

第二 不偷盜。是優婆夷戒。汝盡形壽能持否。

求戒者應答云

能持。

第三 不邪淫。是優婆夷戒。汝盡形壽能持否。

求戒者應答云

能持。

第四 不妄語。是優婆夷戒。汝盡形壽能持否。

求戒者應答云

能持。

第五 不飲酒。是優婆塞戒。汝盡形壽能持否。

求戒者應答云

能持。

第一不殺生。乃至第五不飲酒。是滿分優婆塞戒。汝於中一一戒能持否。

求戒者應答云

能持。

汝今既受持滿分優婆塞戒。佛制令汝蓄禮懺衣。然衣而名禮懺者。唯聽作諸佛事。懺悔之時披著。除是以外。一切時中。若往來城邑。出入市里。皆不得著。若詣庵寺。當以囊盛隨行。如在家宅。可以掛置淨處。須知出家。